


TEZAUUR LITURGIC

26 IUNIE

SLUJBA SF. IERARH DIONISIE, ARHIEPISCOPUL SUZDALULUI



MOSCOVA, 2000



Мѣсяца Іу́нія въ 26-й дѣнь Святителя Діонісія, архіепископа Суздальскаго

НА ВЕЛИЦЬЙ ВЕЧЕРНИ,

[Блаженъ мужъ..., 1-й антифонъ.] На Господи
воззвахъ: **стихиры на 8, гласъ 5. Подобень:**

Радуйся, Живоносный Кресте.

Радуйся, Кіево-Печѣрское
воспитаніе, * собесѣдниче и спостниче
преподобному Сѣргію. * Радуйся, Нижегородскія
земли подвижниче, * преподобныхъ Евѡимія и
Макарія наставниче. * Радуйся, Вознесенскія
обители начальниче * и Суздальскія земли
архипастырю. * Радуйся, о всей земли Россійстѣй
тѣплый молитвенниче * и предъ Богомъ
надѣжный заступниче, * радуйся, святителю отче
Діонісіе. **[Дважды.]**

Радуйся, великія Лавры отрасли
духовная, * смиреніемъ, терпѣніемъ и постомъ
всѣхъ удививый. * Радуйся, на берегахъ Волги
обитель чудную основавый * и храмъ Вознесенія
Господня устройвый, * радуйся, множество
иноковъ собравый * и начальникомъ отъ Христа
надъ ними поставленный, * радуйся, дванадцать
иноковъ на проповѣдь Евангелія пославый * и во

страны́ и грады́ ве́рхня направи́вый.* Ра́дуйся,
святите́лю отче Діоні́сіе. **[Два́жды.]**

Ра́дуйся, святите́лю отче
Діоні́сіе,* Су́здальскія страны́
храни́телю,* ра́дуйся, моля́щимся крѣ́пкое
упова́ніе* и хри́стіаномъ му́дрый
учите́лю.* Ра́дуйся, Правосла́вія ревни́телю* и
благоче́стія храни́телю,* ра́дуйся, е́реси
стриго́льниковъ обли́чителю* и неуста́нный въ
трудѣ́хъ святите́лю.* Ра́дуйся всѣ́мъ на́мъ
засту́пниче необори́мый* и предъ́ Богомъ те́плый
предста́телю. **[Два́жды.]**

Ра́дуйся, Це́ркве Правосла́вныя свѣ́тлое
украше́ніе* и Хри́стовыхъ заповѣ́дей извѣ́стный
храни́телю.* Ра́дуйся, земна́го оте́чества на́шего
свѣ́тлое ра́дованіе* и заблуждши́хъ къ свѣ́ту
богопозна́нія путево́дителя.* Ра́дуйся, мона́ховъ
предивны́й наста́вниче* и ми́рскихъ чело́вкъ
те́плый засту́пниче.* Ра́дуйся, Су́здальскаго
удѣ́ла украше́ніе* и Ни́жегородскаго кра́я
удобре́ніе.* Ра́дуйся, я́ко Росси́йскія земли́
свѣ́тоза́рное свѣ́тило яви́лся еси́* и хра́мъ Ду́ха
Всесвята́го обрѣ́лся еси́,* ра́дуйся, предивны́й
іера́рше Діоні́сіе.

Ра́дуйся, во епи́скупа Ни́жняго Нова́града
поста́вленный,* осія́ніемъ добродѣ́телей
хри́стіанскихъ всеукра́шенный.* Ра́дуйся, отъ
е́реси стриго́льниковъ за́щитниче

му́жественный* Це́ркве и всея́ земли Росси́йскаго
явѣ́выйся.* Ра́дуйся, и́же Боже́ственною
ре́вною распа́емый,* разо́риль еси́ тму́
ерети́ческаго нече́стия.* Ра́дуйся, му́дростю
сло́весь твои́хъ кня́зя му́жески
обличѣ́вый,* правосла́вныя зако́ны
утвержда́я.* Ра́дуйся, въ Константи́нѣ гра́дѣ
всѣ́хъ свои́ми добродѣ́телями удивѣ́вый* и за
ре́вность ве́лю о Го́сподѣ* митрополи́томъ
Русси́а земли поста́вленный,* святителю́ о́тче
нашъ Діоні́сіе,* ты́ же моли́ся о спасе́нии ду́шъ
наши́хъ.

Сла́ва, гласъ 6:

Вели́ка Кіево-Пече́рскія Ла́вры о́трасль
духо́вная бы́ль еси́, на рѣ́ку Во́лгу съ ико́ною
Бо́жіа Ма́тере пришѣ́ль еси́ и на ея́ брега́хъ,
близъ Ни́жняго Нова́града, чу́дную оби́тель
устрои́ль еси́; постомъ, моли́твою, слеза́ми ве́сь
край се́й освяти́вый и мно́жество ино́ковъ въ
ней собра́вый. Духо́вно возрасти́вый и во
а́нгельскій о́бразъ посвяти́вый Евѡ́иміа
преподоба́наго и Мака́рія досточу́днаго, съ ни́ми
же моли́ся, святителю́ о́тче Діоні́сіе, дарова́ти
на́мъ ве́лю ми́лость.

И ны́нѣ, богородиче́нь: Ктó Тебе́ не
ублажи́тъ...

Вхо́дъ. Прокі́мень дне́. И чтѣ́нія три́.

Притчей чтение. [Главы 10, 3 и 8.]

Па́мьять пра́веднаго съ похва́лами, и благослове́ние Госпо́дне на главѣ́ его́. Блаже́нь челове́къ, иже обре́те премудро́сть, и сме́ртенъ, иже увѣ́дѣ́ разу́мъ. Лу́чше бо сію́ купова́ти, неже́ли злата́ и сребра́ сокрови́ща. Честна́йшая же е́сть ка́меній многоцѣ́нныхъ, все́ же честное́ недостойно́ ея́ е́сть. Долгота́ бо дне́й и лѣ́та живота́ въ десни́цѣ́ ея́, въ шу́йцѣ́ же ея́ бога́тство и сла́ва. Отъ у́сть ея́ исхо́дитъ пра́вда, зако́нъ же и ми́лость на язы́цѣ́ носить. Послу́шайте у́бо мене́, о ча́да, честна́я бо реку́, и блаже́нь челове́къ, иже пу́ти моя́ сохра́нить: исхо́ди бо моя́ — исхо́ди живота́, и уготовля́ется хоте́ние отъ Го́спода. Сего́ ра́ди молю́ васъ и предлага́ю мой гла́съ сыновомъ́ челове́ческимъ. Я́ко азъ, премудро́сть, устро́ихъ сова́тъ, и разу́мъ и смы́слъ азъ призва́хъ. Мой сова́тъ и утвержде́ние, мой разу́мъ, моя́ же крѣ́пость. Азъ мене́ любя́щія́ люблю́, ищущи́и же мене́ обря́щутъ благода́ть. Разу́мѣ́йте у́бо, незло́бивіи, кова́рство, ненака́зани́и же, прилагáйте сердца́. Послу́шайте мене́ и па́ки, честна́я бо реку́, и отве́рзу отъ усте́нь пра́вая, я́ко истинѣ́ поучи́тся горта́нь моя́, ме́рзки же пре́до мно́ю устнѣ́ лживы́я. Съ пра́вдою вси́ глаго́лы у́сть мои́хъ, ничто́же въ ни́хъ стро́потно, ниже́ развра́щенно. Вся́ пра́ва су́ть разу́мѣ́вающимъ и про́ста обре́тающимъ

ра́зумъ. Науча́ю бо ва́съ и́стинъ, да бу́детъ о Го́сподъ наде́жда ва́ша, и испо́лнитеся Ду́ха.

Притчей чтéние. [Главы́ 10 и 11.]

Уста́ пра́веднаго ка́плють премудро́сть, язы́къ же непра́веднаго поги́бнетъ. Устнѣ́ мужей пра́ведныхъ ка́плють благода́ти, уста́ же нечестивыхъ развраща́ются. Мѣри́ла льсти́вая ме́рзость предъ Го́сподемъ, вѣ́сь же пра́ведный прі́яте́нь Е́му. Идѣ́же а́ще вни́детъ досаждéние, та́мо и безче́стіе, уста́ же смире́нныхъ поуча́ются премудро́сти. Соверше́ние пра́выхъ наста́вить ихъ, и поползнове́ние отрица́ющихся упасе́тъ ихъ. Не по́льзуютъ имѣ́нія въ де́нь я́рости, пра́вда же изба́вить отъ сме́рти. Умере́тъ пра́ведный, оста́ви раская́ние, на́ручна́ же бы́ваетъ и посмѣ́тельная нечестивыхъ па́губа. Пра́вда непоро́чнаго исправля́етъ пу́ти, въ нече́стіе же па́даетъ непра́вда. Пра́вда мужей пра́выхъ изба́вить ихъ, безсовѣ́стіемъ же плѣ́няются беззако́ннии. Сконча́вшуся му́жу пра́ведну, не поги́бнетъ наде́жда, похва́ла же нечестивыхъ поги́бнетъ. Пра́ведникъ отъ ло́ва уба́гнетъ, въ него́же мѣ́сто преда́ется нечестивы́й. Во устѣ́хъ нечестивыхъ сѣ́тъ гра́жданомъ, чу́ство же пра́ведныхъ благопоспѣ́шное. Во бла́гихъ пра́ведныхъ испра́вится гра́дь, и въ поги́бели нечестивыхъ ра́дованіе. Во благослове́нии пра́выхъ возвы́сится

градъ, усты́ же нечестивыхъ раскопа́ется. Руга́ется гра́жданомъ лише́нный разума, му́жь же му́дрый безмо́лвіе во́дитъ.

Премудрости Соломоновы чтѣніе. [Глава 4.]

Праведникъ, аще постигнетъ скончатися, въ покой бѹдетъ. Стáрость бо честна́ не многолѣтна, ниже́ въ числѣ́ лѣтъ исчитáется. Съди́на же е́сть му́дрость чело́вѣкомъ, и во́зрастъ стáрости — житіе́ несквѣрное. Благоуго́денъ Бо́гови бѣ́въ, возлю́бленъ бѣ́сть, и живы́й посре́дѣ грѣшникъ, преста́вленъ бѣ́сть. Восхи́щенъ бѣ́сть, да не злоба́ измѣнитъ разума́ его́ или́ лѣсть прельсти́тъ ду́шу его́. Раче́ніе бо злобы́ помрача́етъ добра́я и паре́ніе по́хоти, премѣ́няетъ у́мъ незлобивъ. Скончався́ вма́лѣ, испо́лни лѣ́та до́лга, уго́дна бо бѣ́ Господеви́ душа́ его́, сего́ ради́ потща́ся отъ сре́ды лука́вствія. Людіе́ же видѣ́вше и не разумѣ́вше, ниже́ поло́жше въ помышле́ніи тако́вое, я́ко благода́ть и ми́лость въ преподо́бныхъ Его́ и посѣ́щеніе во избра́нныхъ Его́.

На стиховнѣ́ стихиры, гласъ 1. Подобенъ: Небесныхъ чиновъ.

Предивный іерарше́ Діоні́сіе,* житіе́мъ со Хри́стомъ соединился́ еси́,* чресла́ любовію́ препоя́салъ еси́,* смире́нныхъ пу́ть позна́лъ еси́,* свѣти́льникъ вѣ́ры украси́лъ еси́* еле́омъ

ми́лосердія и ми́лости.* Тѣ́мъ съ му́дрыми вше́ль еси́ въ небе́сный Черто́гъ,* идѣ́же предсто́я Влады́цѣ Христу́,* моли́ся, да услы́шимъ во́плъ,* призыва́ющей въ полу́нощи,* и вси́ изы́демъ гото́ви въ срѣ́теніе Е́му.

Стихъ: Свяще́нницы Тво́и облеку́тся въ пра́вду,* и преподо́бнии Тво́и возра́дуются.

Вма́лѣ бы́лъ еси́ вѣ́ренъ, преблаже́нне Діони́сіе,* надъ мно́гими тя́ поста́ви Госпо́дь,* тѣ́мже и просла́вился еси́* добродѣ́тельнаго житі́я о́бразомъ,* Того́ зако́ноположе́ніемъ послѣ́дуя,* я́ко и́стинный дѣ́латель виногра́да Христо́ва яви́лся еси́* и возше́ль еси́ въ ра́дость Го́спода твоего́,* Е́муже ны́нѣ предсто́я,* моли́шися о душа́хъ на́шихъ.

Стихъ: Блаже́нъ му́жъ, боя́йся Го́спода,* въ за́повѣдехъ Е́го восхо́щеть зѣло́.

Ревни́телю благоче́стія,* изря́дний дѣ́лателью виногра́да Христо́ва,* Свяще́нных Писа́ній соверше́нный позна́телю,* преда́ніемъ прилѣ́жный исполнители́ю,* ихже прія́лъ еси́ отъ Христа́ Бо́га* и святы́хъ Е́го апо́столовъ.* Тѣ́мже яви́лся еси́ свѣ́тильникъ Це́ркве, святи́телю Діони́сіе,* не преста́й моля́ся о всѣ́хъ,* къ твое́й по́моци прибѣ́гающихъ.

Слава, гласъ 6:

Мірскій мятежъ оставилъ еси и вземъ крестъ, послѣдовалъ еси Христу, преподобныхъ Антонія и Θεодосія ученикъ добродѣтельный явилъ еси, Бога возлюбивый всѣмъ сердцемъ, тѣснымъ путемъ шествовалъ еси, любовью Христовою утверждаяся, и нынѣ на свое стадо съ небесъ взирая, молися Господеви помилватися душамъ нашимъ.

И нынѣ, богородиченъ: Творецъ и Избавитель...

Тропарь, гласъ 8:

Православія ревнителю, благочестія наставниче, ищущимъ спасенія добрый кормчѣ, монашествующихъ богодухновенное украшеніе, богоноснаго Евѣимія собесѣдниче, святителю Діонисіе, учеными и добродѣтелями отечество твое просвѣтилъ еси, не забуди насъ, чтущихъ тя, но въ миръ управи животь нашъ.

НА УТРЕНИ,

На Богъ Господь: Тропарь святаго, дважды.

Слава, и нынѣ, богородиченъ.

По 1-й стихологіи съдаленъ, гласъ 8:

Равноангельно во обители Печерстѣй пожилъ еси, преподобныхъ отецъ житію послѣдовавъ, и обитель яко градъ, на горахъ поволжскихъ

основа́лъ еси́, въ не́йже мно́жество ино́ковъ собра́въ, о́бразъ имъ для́ подража́нiя яви́лся еси́. Ны́нѣ же предсто́я престолу́ Влады́ки всѣхъ, преподо́бне Діоні́сіе, испроси́ миръ мірови, странѣ́ Россі́йстѣй утвержде́ніе и спасе́ніе душа́мъ на́шимъ. **[Два́жды.]**

Сла́ва, и ны́нѣ, богоро́диченъ:

Дѣ́во Всенепоро́чная, Пресу́щественнаго Бо́га ро́ждшая чело́вкомъ, со преподо́бнымъ Того́ непреста́нно моли́ о на́съ, согрѣше́ній оста́вленіе и житі́я испра́вленіе на́мъ пре́ждѣ́ конца́ дарова́ти, вѣ́рою пою́щимъ Тя́ по до́лгу, едина́ Всепа́тая.

По 2-й стихоло́гiи сѣда́ленъ, гла́съ 4:

На землі́, я́ко а́нгель, съ плото́ю пожи́лъ еси́, святи́телю Христо́въ Діоні́сіе, добродѣ́тельнымъ житі́емъ украси́вся, моли́твою съ Бо́гомъ соеди́нися, бдѣ́ніемъ отъ напа́стей врага́ сохрани́вся, труды́ милосе́рдiя вѣсь освяти́вся и надъ страстьми́ воцари́вся, тѣмже прише́дше ко Влады́цѣ́ Христу́, моли́ вѣ́рно чту́щимъ тя́ грѣхо́въ оста́вленіе дарова́ти и ве́лю мило́сть пода́ти. **[Два́жды.]**

Сла́ва, и ны́нѣ, богоро́диченъ:

Божѣ́ственная была́ еси́ сѣнь Сло́ва, едина́ Пречи́стая Дѣ́во, чистото́ю а́нгелы́ превосходя́щая, мене́, па́че всѣхъ пе́рстію

бывшаго, осквернена плотскими прегрѣшенъми, очисти Твоими молитвами, божественными водами омываючи и подаючи, Чистая, велию милость.

По поліелѣи сѣдаленъ, гласъ 1:

Яко звѣзда днесь пресвѣтла, святителю отче Діонісіе, отъ Кіева великаго возсіялъ еси и Цѣрковь Божію своими добродѣтелями украсилъ еси, сердца просвѣщаючи всѣхъ къ твоему заступленію притекающихъ; души вѣрою и любовію тѣ пѣснословящихъ николиже во своихъ молитвахъ не оставляеши; страстей и козней діавольскихъ свобождаеши всѣхъ чествующихъ святую пѣмѣть твою. **[Дважды.]**

Слава, и нынѣ, богородиченъ:

Яко всѣмъ скорбящимъ истинное утѣшеніе и заблудшимъ отъ истиннаго пути правое наставленіе предстани скоро намъ, Пречистая Богородительнице, и лютей обидимыхъ отъ напастей избави. Вся бо можеши, елико хощеши, имущи дерзновение къ Сыну Своему и Богу. Егоже умоли Матерними Своими молитвами, согрѣшеніемъ прощение даровати благочестномуудренно почитающимъ Рождество Твое.

Таже степенна, 1-й антифонъ 4-го гласа. Прокименъ, [гласъ 4]: Честна предъ

Господемъ,* смѣръть преподобныхъ Его. **Стихъ:**
Что воздамъ Господеву о всѣхъ, яже воздаде ми? Всякое дыханіе... Евангеліе отъ Іоанна, зачало 35, отъ полу.

По 50-мъ псалмѣ стихира, гласъ 6. Подобенъ:
Триднєвень.

Приидіте, множество людей благочестивыхъ, днесь богомудраго святителя Діонісія пѣсньми и пѣнии восхвалимъ и честную его икону любезно облобызаимъ, глаголюще: радуйся, преславный святителю Діонісіе, отче нашъ, граду Суздаю и Нижегородстѣй земли хранителю; радуйся, яко благочестія стѣпь и побѣдникъ истины въ земли Россійстѣй явился еси; радуйся, яко Святѣй Троицѣ предстоиши со ангелы, Юже моли непрестанно даровати душамъ нашимъ велию милость.

Канонъ святителю, гласъ 8.
Пѣснь 1.

Ирмосъ: *Воду прошѣдъ, яко сушу, и египетскаго зла избѣжавъ, израильтянинъ вопіяше: Избавителю и Богу нашему поимъ.*

Отверзи ми уста твои, Христе, и озари умъ мой, молюся, яко да возмогу чистымъ сердцемъ пѣти Твоего угодника, преподобнаго Діонісія.

Приидіте, вѣрніи чада, днесь, церковнаго свѣтильника и столпа непоколебима, Православія учителя и благочестія ревнителя, истины проповѣдника и нечестія искоренителя, блаженнаго Діонісія пѣснями доброхвальными воспоймъ.

Кієво-Печѣрскія Лавры о́трасль духоно́сная бы́ль еси́, смире́ніемъ, терпѣ́ніемъ и постомъ ве́лію ми́лость у Бо́га стяжа́ль еси́, та́ко испроси́ и на́мъ у Влады́ки Христа́ терпѣ́ніе, смире́ніе и душа́мъ на́шимъ наде́жду о спасе́ніи.

Бога́тыя и свѣтоно́сныя благода́ти испо́лненъ, въ оби́тели Печѣрстѣй ино́чествовалъ еси́ и та́мо, я́ко безплóтенъ, къ добродѣ́телемъ приведе́ свой у́мъ, о́тче чудне Діоні́сіе.

Богородичень: Я́ко и́стинный Свѣ́тъ отъ ло́жеснъ Свои́хъ явѣ́вшая ми́ру, на́съ, во тмѣ́ страсте́й ходя́щихъ, просвѣ́ти и наста́ви на пу́ть, Пу́ть поро́ждшая роду христі́анскому, Ма́ріе Богоневѣ́сто.

Пѣснь 3.

Ирмо́сь: Небе́снаго кру́га Верхотво́рче, Го́споди, и Це́ркве Зижди́телю, Ты́ мене́ утверди́ въ любви́ Твое́й, желáній кра́ю, вѣ́рныхъ утвержде́ніе, еди́не Чело́вколю́бче.

Оте́чество духо́вное тво́е оста́вилъ еси́, и Ни́жняго Нова́града вско́рѣ доше́дъ, въ не́мъ

чудную обитель создалъ и собралъ еси множество иноковъ, царскій путь спасенія имъ показуя, тако и насъ не забуди, и управи къ небеснымъ обителемъ, чтущихъ святую память твою.

Новую Печёрскую обитель на крутыхъ берегахъ Волги устроилъ еси, изъ неяже всю Нижегородскую землю подвиги поста, молитвы и обильныя милостыни украсилъ еси, Діонісіе, отче священнѣйшій, молися Христу Богу о спасеніи душъ нашихъ.

Начальникомъ отъ Христа въ обители Печёрстѣй поставленъ былъ еси, собесѣдникъ и спостникъ преподобному Сѣргію явился еси. Съ нимже у Христа Бога испроси намъ здравіе и спасеніе, и душамъ нашимъ велию милость.

Времена и лѣта достопамятныхъ дѣяній списати, труды и подвиги простаго люда писанію предати ты, отче Діонісіе, инока Лаврентія благословилъ еси, и тѣмъ на рать духовную народъ обрати, страну и вѣру нашу отъ безбожныхъ и чужевѣрныхъ находеній сохранить.

Богородичень: Солнце Правды, истинный Богъ нашъ, плоть пріялъ отъ Тебе, міру возсіялъ есть, Маріе Дѣво, и тля многобожія погѣбе до конца. Свѣтомъ Сына Твоего, Дѣво Маріе,

уныніемъ мя омраченнаго просвѣти и настави на путь спасенія.

Съдаленъ, гласъ 8:

Изъ Лавры великія пришедъ, иконою Пресвятыя Богородицы весь край Нижегородскій освятить еси. Обитель Вознесенскую на горахъ Волги устройвый и въ ней подвиги просіявый, оттудуже на Суздальскую кафедру поставленъ былъ еси. Святителю премудре Діонісіе, моли Христа Бога, грѣховъ оставленіе даровати почитающимъ любовію всечестную память твою. **[Дважды.]**

Слава, и нынѣ, богородиченъ, гласъ 3:

Не отъ ангель, ни отъ человекъ, но отъ Сына Твоего, Владычице, Творца ангеловъ и человекъ, кроткаго и смиреннаго сердцемъ Иисуса, смиренію удобъ навикнути могу и не прилежу: увы мнѣ! гордъ сый, презорливъ и непокоривъ присно отъ нерадѣнія моего явлюся. Тя убо, о Дѣво Пренепорочная, молю сокрушенно съ теплыми слезами, еже духъ кротости и смиренія сердцу моему даровати, да вкуситъ покой сладчайшій душа моя.

ПѢСНЬ 4.

Ирмосъ: Услы́шахъ, Го́споди, смотре́нія
Твоего́ та́инство, разумѣ́хъ дѣла́ Твоя́ и
просла́вихъ Твое́ Божество́.

Ико́ну Богома́тере Одиги́трии во освяще́ніе,
покро́въ и огражде́ніе земли́ Росси́йстѣй изъ
Царьгра́да прине́слъ еси́. И та́ исто́чникъ
исцѣле́ній и чудотворе́ній всѣмъ съ вѣрою къ ней
притека́ющимъ показу́еть и отъ всякихъ
напа́стей щитъ держа́вень явля́еть. Ты́ же,
святите́лю, непреста́нно моли́ся, да покры́еть
Дѣ́ва Пречи́стая Свои́мъ омофо́ромъ вся́, къ Ней
притека́ющія.

Во еписко́па Ни́жняго Нова́града
поста́вленный и сия́ніемъ добродѣ́телей
христи́анскихъ всеукра́шенный, му́жественный
защитникъ Це́ркве и земли́ Росси́йска́я отъ е́реси
стриго́льниковъ яви́лся еси́, святите́лю о́тче
нашъ Діони́сіе, моли́ся Христу́ Бо́гу спасти́ся
душа́мъ нашимъ.

Тако просвѣ́тися житі́е тво́е предъ челове́ки,
яко видѣ́вше добродѣ́тели твоя́, о́тче, избра́ша тя
на престолъ архіере́йскій гра́да Сузда́ля, ему́же
дѣ́вный архипа́стырь бы́лъ еси́,
Пасты́ренача́льнику приводя́ своя́ о́вцы, Иису́су
Челове́колю́бцу.

Помысливъ злая, агарянинъ злочестивый, стрѣлу лукавую пусти, тебе, святителю, стубити восхотѣвъ и вѣру святую попрасти, но ты, Богомъ сохраняемый и Матеріею Его Пречистою, цѣль и невредимъ пребылъ еси.

Богородичень: Поющихъ Ти, — радуйся, — избавльшая варварскаго служенія, изми ны работы чуждаго и, сокрушивъ въ мысляхъ идолострастіе, насади благоразуміе страха Божія. Ты бо еси всему благу Вина, Начатокъ и Исполненіе.

Пѣснь 5.

Ирмосъ: *Просвѣти насъ повелѣніи Твоими, Господи, и мышцею Твоею высокою Твой міръ подаждь намъ, Человѣколюбче.*

Храмъ Духа Всесвятаго явился еси, предивный іерарше, отче нашъ Діонісіе, Нижній Новградъ непрестанными молитвами и священнодѣйствіемъ твоимъ облагоухаль еси. Тѣмже и нынѣ ходатайствомъ твоимъ, святе, душевныя и телѣсныя болѣзни наша исцѣли и всепрощеніе грѣховъ намъ у Бога испроси.

Благочестія столпъ непоколебимый явился еси, свѣтомъ добродѣтелей твоихъ осіявый Сүздальскій удѣль. Нынѣ же въ селеніихъ праведныхъ водворяяся, молися о насъ ко Господу, да спасетъ души наша.

Яко велико облисталь еси солнце, оть славнаго Сүздаля зарею словесь твоихъ и чудесъ сияние испущаяй во всю землю Россійскую, святителю Божій, и вся освящаяй, благочестно тя ублажающія.

Пастырь войстинну добрый словесному стаду твоему, святителю Діонісіе, былъ еси, душу свою за овцы своя положить готовый. Тъмже и явился еси обидимымъ заступникъ непреоборимый, правды же ревнитель неустрашимый, сильныхъ міра сего съ любовію обличаяй и пасомыхъ своихъ отечески вразумляяй, заблудшія же на путь правый, премудре, наставляяй.

Богородичень: **В**си роди блажатъ Тя, Маріе Царице, и мы пѣсньми блажаще, изображенному на иконѣ лику Твоему поклоняемся, праздникъ свѣтель въ памяти святителя Твоего празднующе.

Пѣснь 6.

Ирмосъ: *Моли́тву пролію ко Го́споду и Тому́ возвѣщю́ печали́ моя, яко золь душа́ моя исполнися и живото́ мой а́ду прибли́жися, и молю́ся, яко Іона: отъ тли́, Бо́же, возведи́ мя.*

Восхва́лимъ вси́ великаго святителя Діонісія, почтѣмъ заступника и утверждѣніе земли Россійскія и края Сүздальскаго хранителя, ереси

стриго́льниковъ ре́вностнаго искоренителя, худа́го намѣренія княжескаго непрекло́ннаго обличителя и тако возопи́мъ: нѣсть свя́тъ, я́коже Бо́гъ нашъ, и нѣсть пра́ведень па́че Тебе́, Го́споди.

Во гра́дъ первопресто́льный на собо́ръ призва́нъ бы́лъ еси́, еди́нъ отъ всѣ́хъ епи́скоповъ княжескому повелѣ́нню противоста́, че́сть митропо́ли Моско́вскія оберега́й, проти́ву ста́вленника князя возстай, злосча́стному Митяю на ка́едре первосвяты́тельскую взы́ти возбрана́й, ны́нѣ же моли́ся о насъ ко Го́споду, помиловаться душа́мъ нашимъ.

Ты непра́во ходя́щимъ противоста́лъ еси́, преподо́бне, ника́коже соизволя́й безъ благослове́нія Вселе́нскаго Константина гра́да патріа́рха произвести́ на престо́лъ митрополи́та и нече́стно да́ти во́лка въ па́стыря овца́мъ, благоче́стно Христа́ сла́влящимъ.

Сугу́бымъ рве́ніемъ о благоче́стии распала́емъ, спѣ́шно пришелъ еси́ въ Царьгра́дъ, предъ патріа́рхомъ Ни́ломъ намѣреніе архимандрита Миха́ила облича́й и Русь отъ е́реси стриго́льниковъ оберега́й. Тѣмже мы́ твоё раче́ніе о Правосла́вii воспѣ́ваемъ, сла́вляще Го́спода во вѣ́ки.

Богородичень: Свирѣпѣющія во мнѣ страсти укроти и ярѣмъ смиренія возложи на мя, Богородице, да подъ игомъ его поработаю прочее время и обрящу милость въ день Судный.

Кондакъ, гласъ 8:

Звѣзду Россійскую, отъ Кіева возсіявшую, чрезъ Нижній Новградъ въ Суздаль достигшую и всю страну сію ученіемъ озарившую, ублажимъ богомудраго Діонісія, той бо молится Господу спастися душамъ нашимъ.

Икосъ:

Обитель Духа Святаго ты, святителю отче Діонісіе, показася, въ трудѣхъ, слезахъ, молитвѣ и постѣ ради Бога подвизася, Ему Единому служя. Тя за ревность ко благочестію Господь на кафедру избра, постави Суздальскія земли архипастыремъ, мы же ти велегласно тако возопіимъ: радуйся, Кіево-Печѣрское воспитаніе, собесѣдниче и спостниче преподобному Сѣргію; радуйся на берегахъ Волги обитель чудную основавый и въ ней храмъ Вознесенія Господня устроивый; радуйся, множество иноковъ въ обители сей собравый, надъ ними начальникомъ отъ Христа поставленный; радуйся, монашескаго житія свѣтлый образе, преподобныхъ Евѣимія и Макарія наставниче; радуйся, отъ ереси стригольниковъ Церкве и

всѣя́ земли Россійскія крѣпкій защитниче; радуйся, въ Константи́нѣ градѣ всѣя́ своими добродѣтелями удививый и за ревность велію о Господѣ, митрополитомъ Русскія земли поставленный; радуйся, святителю отче нашъ Діонисіе, земли Россійскія пресвѣтлое украшеніе.

Пѣснь 7.

Ирмосъ: *Отъ Іудеи дошедше, отроцы, въ Вавилонѣ иногда, вѣрою Троическою пламень пещный попраша, поюще: отцевъ Бже, благословенъ еси.*

Крѣпостию Господнею измлада укрѣпляемый, въ оградѣ преподобныхъ отецъ пребывалъ еси, въ постѣ, слезахъ, молитвѣ свой иноческой путь провождалъ еси; на брегъ рѣки Волги съ иконою Божія Матере, благодатию Духа Святаго направляемый, обитель чудную основалъ еси. Не забуди насъ, вѣрою и любовью чтущихъ тя, преподобне.

Слава святителемъ и вѣрнымъ людемъ заступникъ воистинну былъ еси, странъ нашей нынѣ на враги испроси победы и одолѣніе и во благочестіи утверди ны непоколебимы, отче досточудне Діонисіе.

Чистое житіе свое скончалъ еси, Чистыя Дѣвы Богородицы воистинну служитель былъ еси и святитель Божови истиненъ, ревнитель

Православія и священныя вѣры, и стѣна людемъ избраннымъ, богоблаженне Діонісіе.

Въ пещи́ искуше́ній и въ пла́мени страсте́й егда́ ты неопали́вшагося видѣ́ вселенскі́й Константи́на гра́да патріа́рхъ, ублажи́ мужество́ твоё и ре́вность о Правосла́віи и почти́ ты са́номъ архіе́пископскимъ. Та́ко и мы́, чту́ще па́мять твою́, превозно́симъ Го́спода во вѣ́ки.

Богородиче́нь: Ско́рая въ бѣ́дахъ Помо́щице, гото́вое обу́реваемымъ Приста́нище, сохрани́ мя, Ма́ти Бо́жія, отъ потопле́нія житейскаго и не да́ждь ми́ разби́тися о ка́мень па́губы душе́вныя.

Пѣ́снь 8.

Ирмо́сь: *Царя́ Небе́снаго, Егѡ́же пою́тъ вои́ а́нгельстѣи, хвали́те и превозноси́те во вся́ вѣ́ки.*

Пра́зднуеть Це́рковь твоё преста́вленіе и благознамені́тый де́нь твоего́ успе́нія: житіе́ бо на земли́ благоче́стно поживѣ́, пресла́вне, пло́дъ стори́чествующій Влады́цѣ́ твоему́ прине́слъ еси́ и отъ Не́го сподо́бился еси́ сла́вы неизрече́нныя, непреста́нно вопія́: благослове́нь Бо́г оте́ць нашихъ.

Крѣ́пкаго подви́жника о́гнь страсте́й не опали́, но Боже́ственная благода́ть ороси́ и свѣ́тла житіе́мъ показа́, зову́ща: благослове́нь Бо́г оте́ць нашихъ.

Не на пѣсць суѣты мѣрскія, но на камени вѣры основаніе положивъ, блаженне, въ честь Вознесенія Господня обитель создалъ еси и духовная твоя чада звати научилъ еси: благословенъ Богъ отецъ нашихъ.

Послушаніемъ и милосердіемъ, постомъ же и молитвою Богу благоугодилъ еси: сего ради прослави тя предъ ангелы и человеки: благословенъ Богъ отецъ нашихъ.

Богородичень: Многое веселіе творю злыми дѣлы бѣсомъ и радость, хранителю же моему печаль отвсюду. О, Чистая Маріе, Мати Христа Бога! настави мя на покаяніе, да будетъ онемъ плачь, ангелу же моему радость, и мнѣ съ нимъ во вѣки.

Пѣснь 9.

Ирмосъ: *Воистинну Богородицу, Тя исповѣдуемъ, спасенніи Тобою, Дѣво Чистая, съ безплотными лики Тя величающе.*

Благославленнаго града Суздаля архипастырь благоговѣйнейшій явился еси, въ Царьградѣ патриархомъ Ниломъ на митрополию Россійскую поставленъ былъ еси. Не преставай моляся о паствѣ твоей, память твою, достохвальне, совершающей.

Въ Константинь градѣ на митрополию Россійскую поставленъ бывъ, великаго града

Кіева вскорѣ достигль еси, отъ князя тамо заточеніе смиренно пріявъ, въ темницѣ святую душу свою чѣстно Господеву предаль еси и въ пещерѣ великаго Антонія погребенъ былъ еси. Нынѣ же молися съ преподобными о насъ ко Господу, спастися душамъ нашимъ.

Святителю Божій, угодниче Христовъ, Діонісіе, милости неистощимое сокровище, рѣка милосердія воистинну, призри на немощи моя и исцѣли душу, страстьми злѣ обуреваемую, уврачуи и тѣло мое, немощьми обложенное, да прославлю въ тебѣ благодать и милосердіе Христа Бога нашего.

Приими хвалу отъ рабъ твоихъ недостойныхъ, святителю отче Діонісіе, не презри приносимое тебѣ благохваленіе и молитву о насъ ко Всеблагому Богу сотвори, любовью со благоговѣніемъ почитающихъ святую память твою.

Богородичень: Вся тварь пѣснословитъ Тя, Дѣво, яко прошедшую вся небесная врата и ставшую огнезрачнаго одесную престола. Одесную стати и насъ сподоби Сына Твоего, яко пѣснями Рождшагося изъ Тебе и Тя величаемъ.

Свѣтилень, гласъ 1:

Ученъми твоими и дѣлы Церковь Христову украсилъ еси, святителю отче Діонісіе,

отонудуже въ мѣрѣ просія твоѣ добродѣтельное житіе: въ молитвахъ, и пощеніихъ, и бдѣніихъ образъ ученикомъ былъ еси. Тѣмже вопіемъ: слава Давшему ти крѣпость, слава Внчавшему тя, слава Дарующему Тобою всѣмъ исцѣленіе. **[Дважды.]**

Слава, и нынѣ, богородиченъ:

Царя вѣковъ, Царице сущая и Мати, умоли надъ страстьми царей показати пѣвцы Твоя: се бо приводимъ Ти въ молитву чуднаго Діонісія, угодника Твоего, въ егоже памиати покланяющесе Тебѣ величаемъ.

На хвалитехъ стихиры на 4, гласъ 8.

Подобенъ: Что ты наречемъ.

Что ты наречемъ, богоблаженне Діонісіе?* Божественныхъ преданій учителя,* служителя тайнъ и дѣлателя винограда Христова,* свѣщю, Церковь озаряющую,* зарю, мракъ страстей разгоняющую,* Россійскія земли звѣзду пресвѣтлую,* Суздальскаго края свѣтозарное свѣтило.* Многа ти имена и больша дарованія,* тѣмже моли спастися душамъ нашимъ. **[Дважды.]**

Восхвалимъ тя, преблаженне Діонісіе,* Троицы чистое жилище,* Христу подражателю неустанный,* пролітіе дарованій духовныхъ,* безстрастія красный сосуде* и

чудесъ источниче неизсякаемый,* демоновъ
прогонителю неустрашимый* и страстей
цѣлителю преизрядный,* монашествующихъ
столпе непоколебимый,* въ трудѣхъ святителю
неусыпный* и къ Богу молитвенниче
непостыдный.* Нынѣ, предстоя престолу
Владыки всѣхъ,* испроси странѣ нашей
утвержденіе* и спасеніе душамъ нашимъ.

Труды, пощеніемъ и бдѣніемъ* умерщвляяй
тѣло твоё*, непрестанными молитвами* къ Богу
всегда вопіяль еси,* Святому Духу прекрасная
обитель явился еси,* Иже видя твоё благое
произволеніе,* архипастыремъ края
Нижегородского* и земли Суздальскія постави
тя.* Ты же Церковь добротами украсилъ
еси,* люди твоя просвѣтилъ еси.* Сего ради ты
почитаемъ,* святителю богомудре
Діонісіе,* моли о творящихъ святую память
твою.

Слава, гласъ 2. Подобенъ: Егда отъ дрѣва.

Кіими псалмы и пѣніи ублажимъ богомудраго
Діонісія? Евангельскаго ученія рачителя и
страстемъ Христовымъ подражателя,
святителемъ украшеніе, инокомъ утвержденіе,
печальнымъ утѣшеніе, отчаяннымъ заступника,
похвалу и радование земли нашея. Моли за ны
Христа Бога, преблаженне Діонісіе, да не

посѣчѣть ны́, яко́ безпло́дную смоко́вницу, но да вселитъ ны́, идѣ́же присѣ́щаетъ свѣ́тъ лица́ Его́.

И ны́нѣ, богоро́диченъ, гласъ тойже:

Спаси́ отъ бѣ́дъ рабы́ твоя́, Богоро́дице Дѣ́во, яко́ вси́ по Бо́зѣ къ Тебѣ́ прибѣ́гаемъ, яко́ къ неруши́мѣй стѣ́нѣ́ и предста́тельству.

Славосло́віе вели́кое. [Ектені́й] и отпу́сть.

НА ЛИТУРГИИ,

Блаже́нна отъ канона́, пѣ́снь 3-я и 6-я.

Прокі́менъ, [гласъ 1]: Уста́ моя́ возглаго́лютъ премудро́сть, и поуче́ніе се́рдца моего́ разумъ. **Стихъ:** Услы́шите сія́, вси́ язы́цы, [внуші́те, вси́, живу́щии по вселеннѣ́й]. **Апосто́ль ко Евре́емъ, зачало 335.**

Аллилу́ія, гласъ 2: Уста́ пра́веднаго поуча́тся премудро́сти, [и язы́къ его́ возглаго́летъ судъ]. **Стихъ:** Зако́нь Бо́га его́ въ се́рдцѣ́ его́, [и не за́пнутся стопы́ его́]. **Ева́нгеліе отъ Луки́, зачало 24. Прича́стенъ:** Въ па́мь вѣ́чную бу́детъ пра́ведникъ, [отъ слуха́ зла́ не убойт́ся].